

太上黃籙齋儀卷之二十三

唐廣成先生杜光胤

安宅中分行道

入戶

各禮師存念如法

衛靈

丹靈朱火

炎霞激風

赤輪剛運

天光八衝

逆威包羅

交變萬方

流金豁落

羣魔滅蹤

辟姦破妖

明耀元功

金符召制

躡雲乘龍

誦歌慶會

散花太空

神化冥運

四極安隆

伏御帝前

罔有不恭

鳴法鼓二十四通

無上三天玄元始三炁太上道君召出巨身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上開啓臣今奉為入意願得

玉清道炁靈寶妙光下降流入臣等身中即

使玄壇清淨內外成真天無氛穢地絕妖塵

琳琅振響十方肅清萬魔不干真誠上徹今

臣所啓之言速達徑御

太上無極大壇虛無自然金闕玉陛下

各稱法位

具位臣某等謹同誠上啓

虛無自然元始天尊無極大道太上大道君

太上老君無上玄老十方已得道大聖衆至

真諸君丈人三十六天帝君玉虛上帝玉帝

大帝東華南極西靈北真玄都玉京金闕七

寶玄臺紫微上官靈寶至真明皇道君三十

六部尊經玄中大法師土府太皇四司五帝

八冥九壘一切真靈臣等夙荷玄休躬逢道

化五文散景三洞開光弘至理於重玄暢神

功於妙用獲參秘蹟得以稟修而盟告之初

立功為本凡有歸向敢不上聞

讀詞

按如詞旨誠切修崇臣等恭職玄科理宜開

度齋主某頃因繕繕土木興工慮犯真靈願

申祈懺是敢按三清之格披九奏之儀奉信

列詞請修齋直冀憑關奏上達至真以今午

朝行道請法衆等運莊初捨上香

願此香煙騰空徑上供養

無上至真道寶臣等歸身歸命首體投地仰

依

太上三尊願以是功德上資

宗廟尊靈列聖昭穆上登聖品下福睿圖

皇帝德紹義農明均日月握金鏡以臨四海

調玉燭以育萬方朝有忠賢野無遺逸今故

燒香自歸依

師尊大聖衆至真之德得道之後升入無形

和與道合真

以今午朝行道請法衆等運莊二捨上香

願此香煙騰空徑上供養

無上至真經寶臣等歸身歸命首體投地仰

依

太上三尊願以是功德歸流齋主家九祖幽

儀生天悟道七玄飛輿證品豎真洎乎宅宇

龍神陰陽將吏各安所部共洽無為轉崇秩

於靈階叶殊功於道果今故燒香自歸依

師尊大聖衆至真之德得道之後升入無形

和與道合真

以今午朝行道請法泉等運誼三捨上香
願此香煙騰空徑上供養
無上至真師寶巨等歸身歸命首體投地仰
依

太上三尊願以是功德歸齋主某福樹長
春道風遊被壽延祿永罪滅災銷然後夜府
寒庭三墜六趣俱超沈滯同契至真今故燒
香自歸依

師尊大聖眾至真之德得道之後升入無形
和與道合真

禮方

懺悔

各思九色圓象嚙液命魔密呪

步虛旋遶

俯仰存太上 華景秀丹田 左顧提鬱儀
右盼揚結璘 六度冠梵行 道德隨日新
宿命積福應 闡經若至親 天挺超世才
樂誦希微篇 冲虛太和炁 吐納統靈精
胎息靜百關 寥寥亮三便 沉丸洞明景

遂成金華仙 魔王敬受事 故能朝諸天

皆從齋戒起 累功結宿緣 飛行凌太虛

提攜高上人 控轡適十方 旋憇玄景阿 仰觀劫仞臺

俯躬紫雲羅 道遙太上京 相與坐蓮華

積學為真人 恬然營衛和 永享無期壽

萬椿莫足多 昇仙友無英 公子度靈符

大道師玄寂 舍利耀金姿 龍駕倏來迎

太上捧洞章 天尊躬雲輿 飄飄乘虛翔 香花若飛雪

氣霧茂玄梁

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

具位巨某等謹重伸上啓

太上無極大道元始天尊太上道君太上老
君十方無極大道道德眾聖天尊至真大帝
天帝三十六部尊經玄中大法師土府太皇
太始五帝中黃戊己應感真靈巨等伏聞大
道既分聖人投教取諸易象法彼上玄栽棟
宇之現代巢穴之制以利天下以覆羣生乃
命天地神祇陰陽將吏分階列品互有主張
今古攸遵吉凶無爽齋主某頃因營繕土木
興工恐穿鑿靈跡侵傷神位犯休王之氣違
禁忌之方爰啓壇場用伸懺謝巨等按河圖

品格披三洞典儀率勵法流精修齋直稽顙
於三光之下披心於萬聖之前懺悔罪瑕祈
恩請宥冀因虔懇感降真靈謹為弟子某上
請倉明救君安闕天玄君天休天陽君解
患頓元君赤沙天官君仙官計平君始陽緒

治君青龍道元君王安宅利君除災却怪誅
滅故氣収伏邪精盛毒摧鋒凶妖殄息又請
漢明地皇君無上監氣君爐火玉女前校大
兵主叔居宅之中井竈之鬼又請楊方平石
君主収地中丘墓之氣禁忌之神使正氣流

太上黃籙齋儀 卷二二三

行凶邪摧伏居止清泰常獲康宜家有禎祥
門無天橫六親蒙福九祖生天壽祿增延罪
袪銷解冤仇和釋注訟沈寢內外清安動靜
昭暢上冀

聖圖悠久祚曆遐延萬國宅心八溟順化天

清地朗國富人歡瑞謀休符日書月至風雲

表貺海嶽蘇舒泊乎六趣九幽有生含識並

沾洪福各遂道遠宅宇龍神陰陽職秩遷功

賢賞安鎮方隅自幽及明普令開泰上明

天尊大慈之宥下副日衆等歸命之誠謹啓

發願

一願大道淡泊虛無安閑空寂澄清自居廣
開法門教導頑夫皆蒙惠澤精苦是修預

以同學善得升虛與天相保長存無憂

二願諸天結悉澄清高虛廣覆保真固靈氣

候調節四運和平國安民豐普天開寧廣

濟一切惠速有生保天長存億劫不傾

三願土地覆載無窮安平不陷海淪不崩保
鎮家國兆民興從養生安死惠周十方未

稼滋植營運日豐咸得厚載萬類皆從

四願日月二景高明無有蝕虧盈安清光

照諸天洞消暗冥保固劫運世祚和平普

加潤澤惠灑衆生

五願星辰與日齊光轉燭照耀映朗十方

各安其位經緯直行保鎮家國無有災傷

四海寧一普天興昌

六願四時隨節推遷景和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隱

則無為散則彌天神仙同居結友衆真惠

流一切與國愛民普濟羣生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方魏魏包藏長為仙宮安

鎮國祚保天無終護度一切莫不仰宗

十願江海湯湯無極含容恢廓無細不植淵

奧柔惠潤加喘息天人獲慶年同劫石

十一願帝王國土日昌四鎮安睦兵革不揚

天人歌唱吉應來翔敷教濟濟咸化洋洋

兆庶稱慶長樂未央

十二願壇飛蠢動已生未生咸蒙安全普得

生成皆見元炁受陽之形草木果林經冬

不索一切濟度靡不鮮榮和與道合真

復壇

香官使者左右龍虎君侍香諸靈官當令臣

行香之所自然生金液丹碧芝英百靈衆真

交會在此香火爐前令臣學道得道求仙得

仙齋主受福幽顯沾恩十方仙童玉女侍衛

蘭煙傳旨所啓之言速達徑御

太上無極大道金闕玉陛下

出戶

太上黃籙齋儀卷之二十三